

卯5

447.

梅氏驗方新編

第七集

天虛我生重刊

癰疽	疔瘡	對口	發背	瘰癧	諸癬	梅毒	便毒
臙瘡	瘡毒	麻風	外症	敷貼	瘡瘍	外科	書後



上海中醫藥大學圖書館版權所有

天虛我生重刊

(第七集)

梅氏驗方新編

西湖伊蘭題



中華民國二十三年十月十日重刊初版三千部 計共七集定價三元二角
 中華民國二十六年八月八日重刊再版二千部 減收每部二元批發七折

贈送物品
 如用此書
 最有實益
 蓋於平時
 必不購買
 此種書籍
 得此可以
 有備無患
 不啻千金
 肘後方也

梅氏驗方新編

第七集 定價五角

原刊者 梅啓照

重刊者 天虛我生

置版者 利用造紙廠

在無錫惠商橋普濟堂對面電話三五〇

發行者 家庭工業社

在上海南京路望平街口電話九四〇一四至一五

借板印刷不論多寡均按頁數統計每二面連紙印訂三厘底面雙算不滿千部者概加一厘單印一集亦可



梅氏驗方新編

天虛我生重刊

瘡毒門 相按本編所收均為坊本原書卷十一中所無應參看

●經驗簡便方

治一切癰疽發背疔瘡魚口無名腫毒諸般惡瘡但未成膿一服即

消活人甚衆屢見奇效用生白礬末叁錢以飯少許同搗為丸葱白七根煎湯送下少頃再煎葱湯壹碗服之蓋被取汗立愈雖味澀難服其效如神凡窮鄉僻壤及車船馬跡之間不便醫藥者將此方廣為傳送功聽無量

凡一切腫毒瘡癰以皮紙蘸生明礬水頻頻搭患處其瘡毒可消

●又治背疽方

瓜萸壹個 乳香沒藥各五錢 甘草三錢 用好陳酒煎服即愈

又治一切奇瘡異毒並無名腫毒用肥皂莢去子弦去筋搗爛以好醋調敷立愈不愈再敷（又方）用赤小豆研末以雞蛋白調塗初起者消已成者敷四圍即收小出膿已潰者敷之即收口易愈（又方）用芙蓉花或葉或皮或根搗爛敷之初起即消已成即潰已潰即斂奇驗奇效或加入赤小豆末敷之

●治瘡癰方

凡瘡癰初起用明礬雄黃各半研極細糝膏藥上貼之即愈 又治一

切熱癰方用芙蓉葉菊花葉各半搗爛敷之極效

●一切腫毒驗方

杏仁不拘甜苦皆可用刮開兩瓣選邊角全者數枚塗以澹雞糞

加麝香末少許罨在瘡上即吸住不脫移時毒聚則杏仁迸起隨易一枚罨之如仍前吸住迸起乃毒未盡也即以第三枚罨之其毒起必輕一觸即脫無不愈者（又方）用山藥

搗成泥敷之（又方）葱白七根蜂蜜壹兩同搗爛敷之（又方）大黃 姜黃 草

烏各等分晒乾研末同葱蜜搗爛敷之（又方）田州三七用醋磨濃汁塗之瘡毒即散

如已破者即研末乾摻之（又方）生芋頭壹個 獨核肥皂一個 葱白七根同搗爛

敷之如乾即換過壹日未成者即散已成者略出膿血即愈（又方）用馬牙蝦灰存性

研末黃酒冲服或以剋下馬蹄片蝦灰存性研末酒服亦可未成能消已成定痛出頭

又方）初起即用雞蛋壹個取蛋清去蛋黃黃不可用在粗碗內粗鉢亦可用生明礬壹

大塊磨濃汁不時塗搽患處如未消再磨雞蛋壹個搽之叁個即消若已患多日此方不治

（又方）先用陳米醋洗過再用整根白鳳仙花即指甲花搗爛敷之 凡惡瘡初起者

急用爛溲雞糞雄雞糞尤效連敷數次即消雞糞最能敗毒或加荔枝核研末調敷尤效屢

試屢驗夜深鄉僻一時無處覓藥者誠救苦靈丹也

●治一切無名腫毒方 澤蘭壹兩 廣膠炒珠五錢 白芨叁錢 用酒水各半煎

服發汗即愈上身加白芷下身加牛膝各叁錢連服數劑腫消痛止雖發背等症均見奇效

（又方）用大瓜萸壹個頂上切去壹片將子挖盡裝入婦人篋下油膩亂髮壹大團再

入生明礬叁錢以滿為度仍將切下之片蓋口通身以黃泥包裹新瓦上微火煨存性去泥研細末黃酒送下未潰者內消將潰者出膿收口重者不過叁服即愈（又方）白芨壹兩味不拘多少為細末溫水攪之澄清去水綿紙攤貼（又方）猪胆汁生薑汁各用半酒杯共扣勻不住手塗搽四圍一夜即消（又方）鮮牛蒡子根葉搗爛敷之（又方）七葉黃荊五葉不用或葉或梗燒灰存性麻油調搽瘡濕即用末乾摻之此治無名腫毒外科不傳之秘藥

●又方治無名腫毒 大黃叁兩 黃芩叁兩 黃柏叁兩 陳小粉貳兩 石藥煨炒黑共研細末用醋調敷

●治搭手發背臙瘡方 葱白壹觔 石灰貳觔 馬齒莧壹觔 叁味濕搗如泥作餅陰乾研細末調敷瘡上相按此方所用石灰宜用炭酸石灰否則必大痛

●馬齒莧膏壹名長命菜 或服或敷能解百毒鮮者搗成膏乾者水浸透熬成膏均可

治楊梅瘡偏身如癩喉硬如管者用馬齒莧壹大把或酒或水煎服蓋被取汗即愈並搗膏敷之 治發背諸瘡毒及疔毒用馬齒莧半觔酒水煎服壹服取汗貳服退熱叁服消腫

全愈外仍搗膏敷之 治多年頑腫臙瘡疼痛不收口者以馬齒莧搗膏頻敷一日一換數

日後腫消腐淨內有紅肉如珠時再另上生肌藥 治丹毒熱瘡面腫唇緊俱搗濃汁頻塗

之 治癰疥極癢無藥可愈搗汁敷之立止 治男婦臍下生瘡痛癢連及陰戶搗膏四兩

拌青黛壹兩烘熱敷患處 治濕癬白禿搗膏加炒紅石灰壹分調敷乾則再蘸汁潤濕稠

按石灰炒紅只能去其水分成為養化鈣不能成為碳酸鈣仍不免痛

金銀花酒一名忍冬藤

治一切無名腫毒及異瘡惡毒以金銀花搗汁沖黃酒煎服

(又方)

治癰疽發背初起用金銀花連藤帶葉壹大把搗爛入酒少許塗敷患處四圍

只留壹口洩其毒氣再用金銀花五兩生甘草節壹兩水叁碗淡酒壹碗慢火煎至貳碗去

渣分作叁服壹晝夜服完病勢重者連服叁劑至大小便通利則藥力始到而瘡自消矣

見奇效 治口乾煩渴或食後即饑將來必發癰疽宜預解諸毒用金銀花熬膏或煎汁早

晚酒沖服 治熱毒血痢將金銀花藤煎汁服之 治腳氣作痛並治婦女下淋均用金銀

花研為末熱酒沖服

●蒲公英方

一名黃花地丁鄉間到處皆有正中獨出一莖一顆開黃花一朶者即

是治婦科吹乳乳癰乳痛等症要藥用蒲公英水煎濃汁兌酒沖服並將渣搗敷患處即消

又治痔瘡疼痛將蒲公英煮熟壓乾切碎麻油拌食貳觔即愈 治發背雖青黑色者搗爛

貼之叁日內肉色如初即愈惟已破者不可敷貼治一切無名腫毒新鮮搗爛敷之乾者熬

膏敷貼亦妙 治婦女熱淋蒲公英搗汁黃酒送下 上列馬齒莧金銀花蒲公英叁品為

瘡毒要藥隨地皆有不費分文預為收存能治大症

●銀花甘草湯

金銀花貳兩

生甘草叁錢水煎清酒冲服若毒在下焦加牛膝貳錢

孕婦忌加牛膝

凡腫毒初起急服此方外敷遠志膏（見驗方新編卷十一）一切惡

毒無不立消但宜早服方可消散遲則瘡毒已成膿必外潰無從消散矣（又方）治癰疽

腫毒不問寒熱虛實用遠志肉米泔水浸洗去心為末每服叁錢酒貳杯煎服取渣敷患處

●治瘡毒初起

凡癰疽腫毒肚癰發背臟毒騎馬癰魚口等症初起三天之內服方

壹服即行消散如毒勢旺者連服叁服無不盡消用雞子壹枚傾入碗內攪勻入芒硝貳錢

隔湯炖熟用好酒送食酒隨量飲食盡為度

●消毒神效丹

凡發背癰疽瘡毒初起敷之即散已成者搽叁次收小出毒隨愈能

易收功 用生鮮山藥五兩不見火

土紅硃壹兩

松香壹兩

全蠟十個

白糖壹兩

共搗如泥周圍敷之中間露出瘡頂不敷藥上加蓋油紙周時壹換消毒神效屢試屢驗

●諸瘡內消散

金銀花壹兩

蒲公英五錢

皂角刺八分

白芷

天花粉

大

黃乳香

木通

沒藥

防風

赤芍

甘草各壹錢水煎服

●內消丸

治一切腫毒止痛神效

雄黃研細壹兩

滴乳香研細壹兩

蟾酥貳

分酒煎化和飯研如泥入前貳味為丸如梧子大每服八丸葱白煎湯送下 又方 治一

切癰疽發背瘰癧疔瘡漏瘡衛護心膜驅解諸毒自然內消 用生明礬貳兩為末 黃蠟壹兩貳錢鎔化就爐上入礬拌勻衆手趕急作丸如梧子大每服五丸溫水或冷酒送下數服痛即止如漏瘡以雞肫內黃皮研末塞孔

●瘡毒初起解散方

蒲公英

當歸身

生黃芪

甘草節各五錢

水酒各半煎

服發汗即愈

●治一切大毒初起

槐花子壹大把砂鍋內炒褐色好酒壹碗沖入乘熱飲之取汗

即愈未散再服

又治一切大瘡無名腫毒經驗方用豆腐渣在砂鍋內炒熱看紅腫處

小量作餅子貼上冷即更換以愈為度

又方

天南星

生貝母

芙蓉葉

狼毒各等

分俱研末春夏用蜂蜜蛋清調冬用陳醋調敷患處當中留出壹孔最效

●治瘡毒簡便奇方

不論線香棒香研成細末以燒酒調和敷患處即愈相按香料

條榆麵佔四分之一柏香佔四分之三黃柏與白榆皆有效也

●治癰疽發背初起

或已結或未結赤熱腫痛未見頭頂或有壹粒黃如粟米者

先以濕紙貼上視其紙先乾之處者即是結疽頭頂處也取獨頭大蒜切片一分許厚放在疽上用艾火灸叁壯換壹片再灸痛者灸至不痛如不痛者灸至痛為度最要早覺早灸方發壹貳日者十灸十愈過七日則不可灸矣若有十數頭者用大蒜搗成膏作餅鋪上聚艾

燒之亦能安也惟頭上及腎俞穴生毒不可灸元氣大虛之人亦不可灸（又方）穿山

甲四片 黃明牛皮膠四兩新瓦上炒焦研細和勻用酒調從容服完保無大患外用牛皮

膠少加姜汁熬如稀糊以布攤貼極妙此方濟人已多未潰者微出黃水已潰者即能收口

（又方） 生甘草節五錢 金銀花叁兩 當歸壹兩 元參五錢 花粉貳錢 白礬

壹錢 附子壹片 水煎服初起者壹服即消 腫起者貳服即效

●發背疔毒無名腫毒 金銀花壹兩 浙貝母六錢 赤芍五錢 當歸尾四錢

黃芩貳錢 甘草節叁錢黃酒半碗水貳碗煎服即愈

●清涼膏 治癰疽發背一切無名疔腫惡瘡皆效 芙蓉花不拘多少看瘡大小搗

爛敷患處周圍留一頭出膿如未成形並敷之收小即消如無花之時乾者亦可或葉根皮

皆妙加赤小豆少許為末蜜茶調敷極效術家不肯傳方多以此珍秘之（又方） 凡癰

疽腫毒疼痛連心日夜叫號睡眠不得者取獨部大繇兩個搗爛和麻油厚敷瘡上乾則換

之

●龜蠟丹 治一切無名腫毒對口疔瘡發背流注無論初起將潰已潰皆有效驗

血龜板壹大個 白蠟壹兩 將龜板安置爐上烘熱將白蠟漸漸摻上摻完板自炙枯即

移下退火氣研為細末每服叁錢日服叁次黃酒調下以醉為度服後必臥得大汗一身其

病必愈此方神效

●神功沃雪湯

治一切無名腫毒其效如神

當歸最重者用八兩輕者用貳兩白

芷重者用四兩輕者用壹兩夏枯草重至貳兩殭蠶重者壹兩輕者貳錢五分水酒各半

同煎服頸以上加川芎膝以下加牛膝餘者不加（又方）治癰疽發背及一切無名

腫毒廣陳皮生甘草歸尾赤芍金銀花檳榔瓜蒌仁白芷川芎五倍

子燒灰存性去火氣以上各五錢台黨參五錢新汲井水五碗用砂鍋漫火煎至貳碗半

再加入乳香貳錢去淨油研末和入毒在上食後溫服在中食遠服在下食前服再用燒酒

盡量飲蓋被取汗即愈重者不過貳劑忌房勞惱怒發食（又方）治癰疽腫毒已成未

成者俱效金銀花當歸生甘草節天花粉各叁錢皂角刺貳錢川椒開口者九

粒用無灰酒煎服未成能散已成出毒神效無比如疔毒加紫花地丁叁錢服叁四劑

●一筆勾

雄黃貳兩

麝香叁錢

藤黃壹兩

人中白五錢

飛辰砂貳錢

蟾

酥壹兩

白芨貳錢

生白蠟貳錢共研極細末用廣膠叁錢烱化和藥末作為錠遇一切

無名腫毒初起即將此錠用醋磨搽患處立刻止痛消散極效又凡男婦不拘四時如身

上有塊疼痛無頭無腦可將榆樹根頭之皮搗極爛米醋調和敷上痛處中留壹小頭過壹

日有毒者略出少許而愈無毒者即能消散立效相按前用線香之理即與此同

●爛泥丸 治一切無名腫毒或痛或癢簡便良方 用生大蒜壹枚如有獨蒜更妙選多人行走地土上用口唾沫將蒜在地上磨爛即以蒜泥塗敷患處如已見頭即留出頭塗敷四圍無論紅腫痛癢立刻見效

●久患惡瘡焮痛不已者 用馬齒莧搗爛敷之不過數次即能取效

●鐵井闌 九月九日收取木芙蓉葉陰乾研末 五月五日收取蒼耳草燒灰存性

研末 貳味等分 用時以蜜水調塗四圍無論惡毒疔瘡敷之其毒自不走散

桐按芙蓉花用鹽酒浸藏壘內密封凡患癰毒敷之極效如患陰疽則用大蒜切片貼之癰為陽症疽為陰症宜參看坊本卷十一各論以明辨之



疔瘡部

●疔瘡總論

疔瘡乃外科迅速之症倘治之不急多不可救疔者如丁釘之狀其形

小其根深隨處可生其瘡最惡其毒最烈由恣食厚味積熱而成或中蛇蟲及疫死牲畜之毒有淺深部位形色尤有緩急若不指明分辨人多疎忽貽誤為害不小如生頭項胸背者最急生手足骨節間者稍緩一疔之外別生一小瘡者名曰應候四圍赤腫而不散漫者名曰護場四旁多生小瘡者名曰滿天星有此者緩無此者急又看初起至三五日間由白色而至青紫色疔頭潰膿形似蜂窩內無七惡等症者為順若初起似疔非疔灰色頂陷如魚臍青紫黑泡軟陷無膿內見七惡等症者逆此辨疔之大略也總之凡患疔瘡貴乎早治忌服辛熱之藥恐反助其邪也外面忌敷寒涼之藥恐逼毒內攻也膏藥不宜早貼惟在將潰已潰時貼之為呼膿長肉以禦風寒也初潰時忌用生肌藥恐毒未盡反增潰爛也潰後不宜早補雖見真虛只可平補尤須斟酌忌食姜椒酒肉雞魚鵝羊海味暈腥辛辣煎炒生冷發物戒氣怒房勞臭穢經婦等項犯之必至反覆慎之為要

●五疔分治

並紅絲疔羊毛疔暗疔各症 五疔者心肝脾肺腎五臟之毒火而成

也（火燭疔）

多生於唇口及手掌指節間初生壹點紅黃小泡癢痛麻木甚則寒熱交

作頭暈眼花心煩發燥言語昏憤此屬心經之毒火而成也（紫燕疔）

多生於手足骨

節及腰背筋骨之間初生便作紫泡次日破流血水串筋爛骨疼痛苦楚重則眼紅目昧指甲純青舌強神昏睡語驚惕此屬肝經之毒火而成也（黃鼓疔）多生口角腮頰眼胞

上下及太陽正面之處初生黃泡光亮明潤四圍紅色纏繞發時便作麻養綳急硬強重則惡心嘔吐肢體木痛寒熱煩渴此屬脾經之毒火而成也（白刃疔）多生鼻孔及兩手

臂膊之處初生白泡頂硬根突麻癢兼痛破流脂水易腐易陷重則腮損咽焦咳嗽涎鼻掀氣急等症此屬肺經之毒火而成也治法同鼻疔（黑鬚疔）多生耳竅牙縫及胸腹

腰腎偏僻軟肉之處初生黑斑紫泡毒竄皮膚漸攻肌肉頑硬如釘痛徹骨髓重則手足青紫驚悸沉困軟陷孔深目睛透露此屬腎經之毒火而成也治法詳疔疔

●紅絲疔

多生手掌及諸骨節間初起形如小瘡漸發紅絲上攻手膊寒熱交作甚

則惡心嘔吐遲治必攻心腹不救急尋至紅絲盡處用針挑斷出血再將初起瘡上亦挑破即用蟾酥丸擦入以萬應膏蓋之如輕者只搽擦拔疔散亦可內服黃連解毒湯加生大黃壹錢五分蔥頭五個煎服急尋看頭髮中有紅頭髮壹根當即拔去

●羊毛疔

初起惡寒發熱狀類傷寒當先驗其前心後心起有紫黑斑點或如疹子

者急用針挑破刮出如羊毛方是疔苗前心後心共挑數處用黑豆蕎麥研末塗之內服五味消毒飲取汗次服化疔內消散輕者用拔疔法重者按前內治要訣各方服藥

又羊毛疔急救方初起壹黑點其跡頗微內有長毛數根即發寒熱心中極不好過其毒最易攻心每每壹暈而死其症似傷寒若誤投發散藥即無救矣慎之慎之治法用銅鏡放胸口撲打三四下即有長毛貳叁根隨鏡光而出即愈如一時不得銅鏡即用酒蟬上泥頭或黃泥亦可用水和濕乾潤相宜成團如飯之粘滯用手將泥在胸口上滾擦其毛隨泥滾帶而出再用紫花地丁草壹兩水煎服其渣敷患處即愈

●暗疔 未發之先腋下忽然堅腫散漫無頭次腫陰囊辜丸突兀狀如筋頭身發寒熱筋脈拘急腫處焮痛治法忌用針灸先以蟾酥丸含化令盡以冷水漱去毒涎再用叁錢嚼葱白叁寸裹藥黃酒送下蓋被取汗汗若不出飲熱酒催之仍無汗係毒熱滯結急用霹靂火法燒紅大石子放瓦鉢內安桶中以醋淬石將患處覆桶上厚衣密蓋勿令洩氣熱氣微再添紅石加醋淬之務使熱氣薰蒸至汗出其毒減半再用大黃壹兩白芷叁錢共研細末為丸每服叁四錢葱頭叁個煎酒作湯送下蓋被取汗大便行時即效

●內疔 先發寒熱漸次腹痛數日間忽然腫起壹塊如積聚是也治法同暗疔 凡

暗內貳疔人所易忽本屬難辨慎勿誤作傷寒雜病若初起即牙關緊急者急用蟾酥丸叁五粒葱頭煎湯急化灌之凡人暴死者多是疔毒急取燈遍照其身若有小瘡即是其毒宜急灸之急以奪命丹或蟾酥丸研化水調灌之亦有復甦再照前法治之棚按上迷丸丹中

國大藥店內均有製售

● 治疔初起 疔瘡初起最小凡手足胸背及頭面忽起瘡泡或癢或痛作寒作熱或

麻木不痛此極惡之症切不可用燈火如用火灸則毒走難治急用巴豆壹粒 米飯壹粒

搗勻粘貼瘡上立時拔疔此法簡便神效 用鮮菊花梗葉搗汁服一碗死可回生或以生

菊花梗葉搗汁用熱酒冲服取醉而睡將渣敷患處壹宿即愈菊花乃疔瘡之聖藥冬月無

葉用根亦可 飲麻油壹鍾菜油亦可可無性命之憂又多年尿缸內壅括下敷患處留頭

敷四五次即愈 又生山藥同白糖搗爛塗敷可消 (又方) 取蒼耳草根葉搗爛入童

便絞出汁冷服壹鍾日服叁次 仍取根莖苗葉壹大把燒灰存性研末用米醋並藍靛和

如泥先將疔中心及四邊刺破令血出極盡拭淨敷之不過十次連根拔出為諸方第壹神

驗 (又方) 用患者耳垢齒垢括手足指甲屑和勻作丸如豆大放茶匙內燈火上微炙

用銀針挑開疔頭納入外用棉紙一層津濕覆之痛立止 (又方) 指甲五錢儘本人指

甲外再將他人指甲湊足瓦上焙乾為末酒調服其患處出膿頭用撮子拔出膿腺可保無

虞 疔瘡初起用生明礬 雄黃等分研細末將絲瓜葉搗爛取汁調勻以鴨翎毛掃敷瘡

上隨乾隨掃一日即消 (又方) 生鐵銹叁錢為末廣木香磨酒調下分病上下部以食

前食後服之微汗即愈 (又方) 皂莢子仁為末 醋調敷之五日即愈

●治魚臍疔瘡 其症四面發赤中央黑色 絲瓜葉 連鬚葱 韭菜等分同入石臼內研爛取汁熱涵和服以渣敷貼患處如疔在左手貼左腋下在右手貼右腋下疔在左腳貼左胯疔在右腳貼右胯疔在中貼心臍用帛縛住候肉下紅線處皆白則毒散如有潮熱亦用此法須令人抱住恐其顛倒則難救矣 又魚臍瘡頭黑皮破黃水流出四圍浮漿用蛇蛻燒存性研細雞子清調敷極效

●治疔瘡腫毒不破則毒入腹 其症手足不住煩燥發狂嘔吐欲死急用甘草節 萊豆粉 硃砂各等分為細末每服叁錢開水調下自安 (又方) 蟬蛻研末蜜水調服壹錢仍以津和蟬蛻末塗之

●治諸疔 紅絲疔用鍋底灰 黑墨少許 黑魚鱗壹錢焙研細末以麻油調勻用筆依線而劃惟走頭之處用黑魚鱗壹貳片貼之止處即不走矣其紅絲漸散疔瘡內消設遇鄉間不及用藥者即用 茨菇葉搗汁依紅線路劃之亦佳真良方也 又法紅絲疔將疔頭挑破擠盡惡血用浮萍草搗爛塗其兩頭亦效 治血疔血出者 用真麻油壹鍾服下即止 治鼻上生疔用爛溲雞糞□□肉同搗爛敷上即效 又耳生疔鼻生疔用蔡烟或黃烟點燃吹息薰之 蛇頭疔用小泥鰍壹條或蜒蜥搗爛敷之 又方 白芨研細末壹錢 蟾酥叁分和勻用雞子清調塗均極效 治暗疔其人昏狂瘡頭凸紅急取當行